

四庫全書

史部

欽定四庫全書

史部

湖廣通志卷二十一

詳校官監察御史_臣陳化龍

檢討_臣德生覆勘

總校官知縣_臣繆琪

校對官編修_臣勵守謙

謄錄監生_臣李元位

欽定四庫全書

湖廣通志卷二十一

水利志

長沙府

長沙縣澧河隈在縣北十五里湘水之東澧水之北
自蕭王廟起東距桃花港北障金牛堰田綿亘三千
三百丈止為長沙市鎮民居十有餘戶歷年居民修
築

麻林石壩在縣東北八十里明侍郎李崇倡建用楮板瀦水以時蓄洩可灌可舟鄉人便焉石牯牛壩在縣東北九十里亦李崇倡建

善化縣陸公隄在縣南十里湘水之東明知縣陸南陽築

潆灣隄在縣西十里湘水之西邑人王重冠築

湘陰縣沙田圍隄在縣南長三千九百七十一丈

楊柳圍隄在縣南長一千三百五十丈

軍民園隄在縣西南長一千七百四十丈

荆塘園隄在縣西南長五千三百四十四丈

東庄園隄計二十二里

古塘園隄長三千七百三十七丈

塞梓園隄長四千二百五十丈

金盤園隄長三千三百四十五丈

彎斗園隄長一千三百九十丈

韓灣園隄長五千八百四丈 自古塘園以下俱在

縣西

余家園隄在縣北長二千三百九十六丈

莊家園隄長一千一百四十丈

黃公圪隄長一千二十丈

魯家圪隄長一千五百丈

買馬圪隄長一千二百二丈五尺

葡萄圪隄長一千五百四十九丈自莊家園以下俱

在縣西北

以上湘陰縣境內圍坵諸隄雍正六年奉

旨發帑修築

附湘陰縣隄防考畧湘邑居洞庭之濱地勢最卑其東北一帶近水悉巨浸也而縣治之西曰淮西其水勢更甚今其地生聚日繁土田日廣防遏不可不豫而圍因以設焉分觀其勢各有塍堤統計其數則有十六南則沙田圍逼近江與楊柳相間中隔樟湖嶺阜由是而軍民荆塘金盤灣斗韓灣

等圍垸隄雖間設各有滕限而東庄一圍則居軍民之東古塘塞梓二圍又居韓灣灣斗等圍之西北湘水烝水匯流自西入長沙遶東而下至湘陰是南水也南水泛水自外入沙田一圍之東寶當首險從此水由支港擁入楊柳軍民等隄之近東南者皆受頂冲而東庄向南稍平餘實三面被激焉瀆水沅水出而與湘水合達於洞庭是西水也西水泛水自內出兼之西南夾湧洪波濁浪紆洄

灌激在沙田一圍之西首為出水之頂冲次及於楊柳圍更次及於軍民荆塘各圍之近西北等隄而古塘塞梓二圍界連沅邑為沅水之頂冲焉至北則有余家垸西北又有莊家圍暨黃公魯家買馬葡萄等坵濱臨大湖地益曠而土益鬆其水自西而內出自南而外入者悉於是乎會歸而湖浪遂於是迎衝一經水漲其勢瀾漫堤塍衝潰頃刻灌滿蓋統計各圍之險處共有一萬九千四百九

十八丈至各圍坑內出水積水之區或則有港或則有塘或則請建有閘或則疏通有溝向係民力歲修港則設之涵口塘則立有剝溝閘則因時啓閉以資蓄洩以藉灌溉似可無煩疏濬者也

益陽縣千家洲大坑隄 小坑隄

長湖坑隄長二千四百八十九丈

沿河坑隄長二千一百三十二丈自千家洲起俱在

縣東

合興垸隄長四千五百二十五丈

中洲垸隄長九百一丈 兩垸俱在縣東北

長灘垸隄長一千一百丈

河皮垸隄長二千四百七十六丈

曹埠垸隄長五千五十二丈

宋家垸隄長九百丈

上火田垸隄長二千八百九十丈

中火田垸隄長一千八百四十一丈

下火田垸隄長二千二十八丈 自長灘以下俱在

縣東

以上益陽境內各垸隄雍正六年奉

旨發帑修築

附益陽縣隄防考 益陽縣在府治西北二百里
西界安化南界寧鄉西北龍陽東北沅江東南界
連湘陰水曰瀆江自寶慶發源桃花江合流湍行
直下數百餘里至縣前龜臺山而分派焉其中為

大河濱河一為千家洲大垸一為長洲小垸又北
小河分汊經石梁橋沿河垸二處會入大河石梁
橋地稍高自趙家園起至尹家山止為沿河垸皆
屬明萬厯時舊址又北自甘溪河分汊入沅江白
泥湖又大河直下經沙頭塘之西北為合興垸中
洲垸又東南抵沅江毛角塘分汊入麻子河沅江
界一由沅江瓦石磯塘出大麻子河湘陰界一入
小河益陽塘此益陽東北之水也自龜臺山而東

為支河經長灘垸至河皮垸繞千家洲西南復會沙頭塘而歸大河一楓林河分汊經瀾溪市直行添新橋河支流旋轉鳳凰湖迴繞火田三垸旁及宋家垸曹埠垸入盧家江匯於爛泥湖分汊上入溪口下經龍打窖塘而歸於湘陰焉蓋益陽分上中下三鄉自縣北而東為下鄉上承潰沅之水下連洞庭西汊左抵長沙大江一當湖水泛漲加以南水之瀾漫上之來者滯而不去下之積者壅而

上行近江濱湖之地常不免於淹浸有備無患唯
在督理業戶使之依時培修堤垸而已

衡州府

衡陽縣馬王塘近城大可百畝五代馬殷所鑿

永州府

零陵縣司馬塘在北門外以柳宗元名

湮塘在城東百里其深莫測

祁陽縣橫塘在縣東三十里

舒塘在縣東一百二十里

梅塘在縣北七十里

寧遠縣大力塘在馮石村

碧虛塘在碧虛洞前天聖中永福寺僧雲亮築

魚塘在縣南三十里丹桂鄉府志向為民田以土性
多石不能耕民苦之邑令蔡光度其地可為塘乃請
于上谿民稅塘成得灌溉之利

寶慶府

邵陽縣鐵塘陂在城東安平鄉溉田五百畝明洪武二十七年工部委官修

代陂在中鄉溉田四千餘畝洪武間工部委官修

武岡州朱公隄在城西南半里滇黔孔道且障負郭數十頃田地濱都梁水明嘉靖間水漲壞城垣田舍士民請巡撫顧璘修築後屢修屢圯萬厯間巡撫趙可懷委知州宋純仁搜漏稅二千餘兩請以為費純仁遷秩去知州朱諭采石築之後知州胡悅重修

蒙公隄在城東孔道明嘉靖間同知蒙大賚捐俸釐隄計百餘丈至今利賴

岳州府

按舵桿洲石臺在洞庭湖中雍正九年

皇上軫念四方行旅及楚省居民經九江五瀦之險者取道東湖尚有洲岸可泊西則渺瀰無際風鼓浪作每至不測

特旨頒發帑金二十萬兩建造石臺袤九十六丈高六

丈趾廣三十丈頂二十丈北如弓背式浪至易分
南為偃月隄灣溪可泊凡往來舟楫遇水漲風驟
棲宿臺南從此有衽席之安無漂淪之患茲者度
築方新匠夫雲集居民商賈萬口感頌仰見

聖天子至明所燭無遠不悉至仁所被靡隱不周告成
之日萬世攸賴畏塗涉若通津絕島居然聚落洪
流砥柱廼自人工洞府仙家詎闕地道雲旗晡靄
風雨不驚燈火長虹鯨鯢宵遁生天生地而後贊

元化之全功導水導山以來奠大川之永利百神
環擁衡山常鎮於湘波億萬斯年

聖壽綿延於

帝澤此事專荆土

恩普域中矣

巴陵縣偃虹隄在縣西宋郡守滕宗諒築

永濟隄在府城北十五里明成化十九年知府李鏡
築號李公隄長四千丈廣二丈緣地勢為平高者七

八尺隄成名曰永濟旁夾樹柳二萬以固積壤又鑿巨石於華容之層山為橋二下可容舟復倣規運河甃石為閘於二橋之北廣五尺高丈有二尺長加高之三尺架木梁以通車馬大學士李東陽為記

皇清順治十年知縣王篤慶捐修康熙十年知縣李炆十三年知縣王國英相繼重修

南津隄在縣南十五里洞庭之側明弘治間知府張

金築

白荆隄在縣東十五里一名紫荆築於宋至明成化八年知府吳節增之嘉靖十年知府蕭晚重修四十年邑人方鈍增築

舊江村隄與監利接壤前明額隄止二百五十丈

皇清順治十二年加修七百六十丈零竹庄河何家墻瓦子灣魯家埠四處共一千一十二丈六尺康熙五十五年奉

旨發帑銀二千六百兩知縣王國英督工五閱月始成

隄工完固

竹庄隄長二百三十丈

何家塙隄長三百丈

瓦子灣隄長九十八丈

魯家埠隄長三百八十四丈六尺

以上巴陵境內諸隄雍正六年奉

旨發帑修築高厚倍前

附巴陵縣隄防考畧按巴陵縣正當洞庭湖沿匯

之地有楓橋白石等湖又有南津乾沙等港湘水一泛半没田廬然東南諸里尚倚山阜其最要者江南則有永濟隄江北則有江村隄尤宜急圖者也

臨湘縣趙公隄在縣東南五里西北倚山東南臨湖高下不平難以瀦水自南而東皆窪澤元泰定間知縣趙憲築隄以防水至今賴之

華容縣黃封隄在縣河之濱宋知縣黃照築

楊柳隄在放生池側

官垸隄在城西長六千一百八十弓

蔡家垸隄在城西四里長三千三百二十三弓

黃蓬蔣垸隄在城南三里長五千三百七十三弓

張家垸隄在城南三里長一千四十三弓

朱家垸隄在城東三里長一千二百三十八弓

兔湖垸隄在城東十五里長一千九百二十五弓

蔡田南北垸隄北離城東五里南十五里長三千四

百六十一弓

濤湖垸在城東北一十五里長一千六百九十二
弓

凌溪垸在城東北一十七里長六百三十四弓

張家垸在城東北一十九里長一千三百五十弓
伍家垸在城東北二十五里長四百二十六弓

安息垸在城北二十五里長三千九弓

東皮垸在城東北三十五里長二千九百一十二

弓

余家垸隄在城東北三十二里長二千八百二十九

弓

黃家垸隄在城東北三十三里長一千八百六十一

弓

江黃垸隄在城東北三十三里長七千七百三十二

弓

馬家垸隄在城東北三十四里長一千七百九十五

弓

線家坑隄在城東北三十五里長一千二百七十六

弓

劉陳坑隄在城北三十五里長五千六百四十三弓

吳小坑隄在城北三十七里長一千四百三十弓

湖家小路坑隄在城北三十七里長二千一百三十

三弓

楊李坑隄在城西北四十里長三千一百九十七弓

南北坑隄在城西北四十里長一千四百三十弓

桃樹坑隄在城東北三十五里長二千七十弓

黃湖坑隄在城東北四十五里長一千八百七十二弓

永固坑隄在城東北三十七里長一萬二千九百九十七弓

嚴肖坑隄在城東北三十八里共長一千八百八十四弓

林家垸隄在城北三十七里長三千三百一十五弓

乙酉垸隄在城北六十五里長七百三十四弓

蔡劉垸隄在城北六十五里長一千一百四十弓

合工垸隄在城北六十里長六千六百八弓

周小垸隄在城北六十里長九百八十二弓

以上華容境內各垸隄雍正六年奉

旨發帑修築高厚倍前

附華容縣隄防考畧按縣城北臨川江南連洞庭

中有斗子澌澌等湖南北水漲殆無遺土非環土
為垸則居民不能以旦夕安也明正統間知縣楊
鏊請於朝遣工部員外郎王士華湖廣布政使蹇
賢相便宜築隄四十有八其最大為要害者惟官
垸濤湖安津蔡田四垸各周迴四十餘里本縣錢
糧半出其內一罅之漏千家坐斃隄防之功不可
緩也

岳州府隄防總考畧按郡志城西岳陽樓一帶正

臨洞庭湖春夏水漲波濤撼城勢甚可慮宋守滕
宗諒築偃虹隄障之其屬邑惟平江居萬山中水
患尚少臨湘半倚山城雖可捍禦然西北俱濱江
水口又多勢難築隄巴陵隄防祇在江北諸里惟
華容四十八坑之隄最為要害

常德府

武陵縣柳隄自東門外至北門

南湖隄在縣西二十里滇黔孔道

趙家隄在縣西二十里

金雞隄在縣西南二十里

長江隄在縣東二十里

皂角隄在縣東三十里

東田隄在縣東十五里

屠家隄 伍家隄 烏雞隄 龍裏隄 馬家窖

陽雀隄 上東隄 下東隄 接官亭隄 四老口

新陂隄 觀音椿隄 自屠家隄以下俱在縣東

槐花隄 花猫隄 鐵窰湖隄 易家隄 落路口

蓮花庵隄 白頭湖隄 唐家灣隄 菖蒲隄

明月隄 罩沙隄 曲尺灣隄 南湘鋪隄 洗手

堰隄 自槐花隄以下俱在縣西

蘆洲障周圍十五里六分

姚家障周圍三十七里

王家障周圍一十一里

文子障周圍一十七里

黃溪南障周圍一十八里二分

黃溪北障周圍一十五里五分

木瓜德遠二障周圍三十里六分

烏汭障周圍一十八里四分

張家障接連龍陽大圍計一十二里

永益障計二十里

保安障計十八里三分

黃花扁草障計二十里九分武陵四方之三 自蘆

洲以下俱在縣東

南溪障計二十八里三分

官隄障周圍一十四里一分 三障在縣東北 以

上諸隄障

皇清康熙二十一年增修雍正六年奉

旨發帑修築每隄障加高三尺加寬五尺

宿郎堰在縣東九十里周圍四十餘里雍正四五兩
年夏秋水發因近洞庭洪波激蕩成壑萬難修築開

墾雍正七年奉

旨將額賦永遠豁除並舊欠及本年錢糧俱邀蠲免

尊陂在縣北五十里唐刺史李璡修

槎陂在縣東北三十五里唐崔嗣業韋夏卿修

放鶴陂在縣東北八十里唐崔嗣業復修又名崔陂

津石陂在縣北一百九十里唐崔嗣業修李翱溫造

復修

永泰渠在萬金村唐光宅中刺史胡處立開

右史渠在萬金村本名後鄉渠一名石英渠溫造開
考功堰在縣東北八十九里一名樊陂唐李翱開
以上諸陂堰俱可溉田千餘頃惜歲久多淤

附唐書地理志武陵縣北有永泰渠光宅中刺史
胡處立開以通漕且為火備西北三十七里有北
塔堰開元二十七年刺史李璡增修接古萆陂由
黃土堰注白馬湖分入城隍及故永泰渠溉田千
餘頃東北八十九里有考功堰長慶元年刺史李

翺因故漢樊陂開溉田千一百頃又有右史堰刺史溫造增修開後鄉渠總九十七里溉田二千頃又北百一十九里有津石陂本聖歷初令崔嗣業開翺造亦從而增之溉田九百頃翺以尚書考功員外造以起居舍人出為刺史故以官名東北八十里有崔陂東北三十五里有槎陂亦嗣業所修以溉田後廢大歷五年刺史韋夏卿復治槎陂溉田千餘頃十三年堰壞遂廢

龍陽縣蕭公大隄在縣東十五里

南城隄在縣東南半里

河洪隄在縣西一里

陡門隄在縣西三里

杉木隄在縣東一里

殷隄在縣東南五里

小汎洲隄在縣西二十五里內有塘渚二座

大汎洲隄在縣西四十里周圍一千八百六十餘丈

內有濬四座

李公隄在縣北二十五里周圍二千八百餘丈

新隄在縣南一里安濬一座

古隄在縣東南十五里

夾隄在縣南十五里

曲隄在縣南十里

大圍隄在縣北周廻三萬五千八百餘丈計一百二十里上接沅辰諸溪洞水下濱洞庭大湖舊有水濬

七座以洩積聚之流

南趕障在大圍之北計二十二里

保安障計一十八里

黃花障計一十四里龍陽縣四分之一

絲茅障計四里

彭家障計一里

廖家障計四里 以上隄障俱在縣北係補舊

連三障在縣北計五里係新增

辰陽障計一十一里

車橫障計一十五里

連五障計十五里六分所統諸隄為粟公為承春為
楓橋為中隄為大隄春夏水溢一隄不堅五障皆潰
三汊障計六里五分

灰步障計一十五里四分

七荆障計二十一里五分

銅盆障計一十三里

雙家障計九里五分

茶塘障計一十五里

南隄障計十里七分 以上諸障俱在縣東係補舊

油坡障長二里二分

青步障長一十五里

乾坡障長七里 三障俱在縣東係新築

北益障在縣南長一十五里六分係補舊

菖蒲障長一十五里

橫隄障長五里二障在縣南係新築

冷水障在縣西長一十一里四分

大有障長十里舊名陡門

白子障長二十三里

馬家障長七里二分

張家障長二十二里

莊浦障長三十里

永恒障長五里

豐收障長七里 以上俱在縣西係補舊

金石障長四十七里

復興障 二障在縣西係新築 以上龍陽境內諸

隄障明嘉靖十三年修二十九年潰四十四年修大
圍隄決口三十處長四千五百餘丈

皇清康熙七八兩年大修雍正六年奉

旨發帑修築每隄障加高三尺加寬五尺堅厚倍前

沅江縣西湖隄在縣南半里

沔湖北隄在縣東二十里

長山北隄在縣東四十五里

太平北隄在縣東七十里

永寧北隄在縣東九十里

新興北隄在縣東十里 以上沅江境內諸隄雍正

六年奉

旨發帑修築

附常德府隄防考畧按郡治與龍陽沅江二縣地

皆濱江歷來歲遭水害南齊永明十六年沅江諸
水暴至常德沒城五尺宋淳熙十六年沒城一丈
五尺漂民廬舍後唐沈如常砌二石櫃以殺水勢
得保城垣元延祐六年郡監哈尚於府學前又砌
石櫃一座高二丈餘益加保固明嘉靖元年大水
決隄十二年江漲幾欲衝城隆慶五年萬厯三十
六年皆大水頻遭淹沒頃年修築民始有寧居

辰州府

麻陽縣一都堰二十有五

二都堰十有五

三都堰十有二

四旗都堰十

石惹都堰二十

石渠都堰二十四

市都堰二十有七

附麻陽縣陂堰考畧按邑多瘠田水源絕少唯仰

望於雨澤少旱則歲難有秋水利自楊家古堰外
皆萬厯間知縣蔡心一開築心一多善政水利乃
其最著者

直隸澧州

澧州陽由坪隄 孟姜隄 黃絲隄 上夕陽隄
下夕陽隄 魏家隄 窖口隄 李文隄 張毛隄
大圍坑隄 以上澧州境內各隄雍正六年奉
旨發帑修築高厚倍前

安鄉縣圍城垸隄 文明垸隄 羅陽垸隄 中和
垸隄 黃隄垸隄 劉孟垸隄 張壤垸隄俱在縣
南

板橋垸隄在縣西

惠明垸隄在縣北接圍城垸 以上為上十垸

興家垸隄 實惠垸隄 新家垸隄 太和垸隄

合家垸隄 以上為下五垸 以上安鄉境內各垸

隄雍正六年奉

旨發帑修築高厚倍前

附九江隄防考畧按禹貢九江孔殷謂沅漸元辰
敘酉澧瀆湘九水會合滙為洞庭一湖是也今以
郡縣志考之辰常衡永枝河會流於洞庭者無慮
數十水而其會衆流而注之湖則有三焉曰沅湘
澧而已沅發自牂牁經辰溪合麻陽諸溪洞水過
常武出湖之北湘發自廣西與安海陽山至分水
嶺分為二派一為瀕水一為湘水至永州瀟水會

爲至衡州烝水會焉過長沙出湖之南澧發自武陵古克縣東流過武水口合焦溪如溪諸水經慈利石門至澧州出湖之西而漸元辰敘酉瀆共合流而匯爲洞庭以爲之壑故衡寶永辰沅得免水患惟常武當沅江之下流岳澧值江湖之會合長沙之益陽湘陰上接瀆湘下瀆洞庭故歲遭浸溺隄防之設最宜急圖者也

附修築隄防總考畧近年深山窮谷石陵沙阜莫

不芟闢耕耨然地脉既疏則沙礫易圯故每雨則山谷泥沙盡入江流而江身之淺澁諸湖之湮平職此故也欲盡心力以捍民患惟修築隄防一事耳故備考古今可經久而通行者蓋有十焉一曰審水勢東流者必西淤下澁者必上湧築隄者審其勢而為之址最難禦者莫如直衝之勢議者退為曲防故荊州虎渡穴口之隄先年愈退愈決而後直逼江口以遏水衝乃得無恙他如順注之傾

涯則隄勢宜迂急湍之廻沙則隄勢宜峻二曰察
土宜一遇決口必掘浮泥見根土乃築隄基其所
加挽者必用黃白壤三曰挽月隄洗在東涯則沙
廻而西淤在南塍則波漩而北故往往古隄反抱
江流者為水所齧即臨傾涯之上勢甚孤懸必先
勘要害之地而預築重護之隄四曰塞穴隙獮屬
螻蟻窠穴秋冬水涸徧察孔端極探其原而為之
防五曰堅杵築木杵不如石楔石楔不如牛轆六

曰捲土埽塞決口為上護成隄次之法埽以萑葦
為衣以楊柳枝為筋以黃壤為心以穀草為紉纚
因決口之淺深水勢之緩急而為長短大小者也
若隄防初成土尚未實必以楊柳枝為埽橫棲於
隄外則可以禦波濤而隄無恙七曰植楊柳八曰
培草鱗九曰用石甃當衝決之要處若非石隄必
不能回水怒而障狂瀾十曰立排椿將大木長丈
餘密排植於隄之左右聯以紉纚結以竹葦則風

浪先及排椿而隄可恃以不傷也

護守隄防總考畧決隄之故三有隄甚堅厚而立勢稍低漫水一寸即流開水道而決者有隄形頗峻而橫勢稍薄湧水撼激即衝開水門而決者有隄雖高厚而中勢不堅浸水漸透即平穿水隙而決者要皆修築既疏而防守復怠故坐致此患耳故防範護守之計條議有四一曰立隄甲每千丈僉一隄老每五百丈僉一隄長每百丈僉一隄甲

凡隄夫十人一應隄防事宜官守之而有垸處所亦設有垸長垸夫其法與隄甲同仍不論軍屯官庄凡受利者各自分隄若干丈二曰豁重役凡隄老隄長隄甲及垸長垸甲人役各復其身每遇編審即與豁除別差則彼得一意於隄防三曰置舖舍查照漕河事例於隄上創置舖舍三間令隄長人役守之則往來棲止不患無所而防護事務亦庶幾不致妨悞矣四曰嚴禁令凡有奸徒盜決故

決江漢隄防者即照依河南山東事例發遣揭示
通衢以警儆俗

湖廣通志卷二十一

欽定四庫全書

湖廣通志卷二十二

學校志

貢院書院附

古者黨庠序塾皆有學以次升於司徒論諸司馬
秦漢而下沿革代殊至宋慶厯始命郡縣立學然
無定制無專官元始置儒學常員明乃與城池并
設典綦重矣我

朝庠序之制師儒之官徧於海內矧值

闕里肇修卿雲獻瑞九有歡騰凡天下學宮莫不漸
次增新其在楚省即蠻陬犛尚皆有弟子員執簡
操觚經術修明文章蔚起沅湘江漢間人材輩出
南金竹箭豈直芹藻流輝已哉其舊建書院亦附
著焉

聖祖御書大成殿萬世師表題額

康熙二十三年

聖祖御製訓飭士子文

康熙四十一年
建碑明倫堂

上諭加封孔氏五代改啟聖祠為崇聖祠

雍正元年

御製

聖諭廣訓

雍正二年

御製朋黨論

雍正二年

欽定樂器圖

雍正二年

御書生民未有題額

雍正三年

奉

旨廣額湖北一十九州縣文章歲科大學加五名中學

加三名小學加四名

湖南二十二州縣文童歲科大學加五名中學加

三名小學加四名

雍正三年

上諭避孔子聖諱

雍正四年

上諭居家孝友行止端方可辦事而文亦可觀者一

學各舉一人

雍正五年

上諭六年選拔一次

雍正五年

奉

旨頒發平定青海告成太學碑文勒石學宮

雍正六年

奉

旨頒發大義覺迷錄四卷刊布學宮

雍正八年

以上一十三條各府州縣俱同

武昌府

武昌府儒學舊在黃鵠山前宋康定間建後廢為營壘紹興間仍更為學宋末兵燬元延祐重建明洪武初修歷天順弘治正德間巡撫白圭布政使張敷華知府沈棟相繼增修嘉靖中按察使萬虞愷以學門

由西不利即驛傳道故址闢門從東大學士楊溥彭時商輅李東陽侍郎朱廷立俱有記明季兵燬

皇清康熙十七年巡撫張朝珍布政使徐惺倡捐修葺雍正十年巡撫王士俊以學宮傾圯舊制未善發項更新即明倫堂舊址改建

崇聖祠拓學西地建明倫堂遷名宦祠於大成門左鄉賢祠于大成門右置文武官舍于左右之下又于櫺星門左右添設戟門制度允稱有記刻石

江夏縣儒學在鳳凰山下宋元學附鄂州別為務本
齋明洪武建于黃鵠山北後遷平湖門內弘治間巡
撫御史王恩改建今所嘉靖間御史吳百朋提學張
天復繼修

皇清康熙間巡撫王新命布政使徐惺提學蔣永修糧
道章欽文知縣劉朝英重修康熙五十八年知縣潘
宋鼎增修

武昌縣儒學在縣治南舊在縣西宋淳熙中遷縣東

嘉定中陞壽昌郡學大德中仍為縣學明洪武初知縣孟吉改建今所後知縣謝廷舉聶賢相繼拓修

皇清康熙間知縣熊登重葺

嘉魚縣儒學在龍潭山麓宋淳熙中建明因之知縣吳啟文莫震孫倫馬炳然提學陳鳳梧先後增修

皇清雍正七年知縣王邦鼎重修

蒲圻縣儒學在縣治南舊在金疊山下唐鄭玄瑾建宋紹聖間知縣朱壽昌移建今所明柯日新吳俊吳

中郭鳳儀焦貴吳本固前後增修

皇清康熙二十六年署縣張玘重修雍正七年知縣吳珽教諭鄒受祉重修

咸寧縣儒學在登高峯下宋慶厯間建元末兵燬明洪武三年知縣馮景建後知縣陳灝施達王介茅信蕭立業相繼增修

崇陽縣儒學在縣北舊在縣西門外元末兵燬明初知縣顧華改建今所歷同知萬璋知縣焦璣學道嚴

詮知府秦夔通判王蔓相繼修

皇清雍正六年知縣張慄重修

通城縣儒學在縣東明洪武初知縣馮極建永樂後
知縣曹景昇喻峻通判王蔓相繼修

皇清雍正三年知縣李玠重修八年知縣周洪重修

興國州儒學在龍蟠山下宋軍學元路學明初改府
學通判鄭璵同知翟圭繼修尋改州學歷知州李文
聲葉菁胡瀛李東劉綸吳希賢周鵬等相繼拓造

皇清康熙五十四年知州高夢龍重修雍正三年知州黃澄重修

大冶縣儒學在縣西歷宋元興圯不一元至正中縣令周鎰重修明洪武八年災十二年知縣王伯時重建歷知縣于賢劉瓏綦貞等繼修明末兵燬

皇清順治中知縣劉源湛訓導官撫邦康熙中知縣陳邦寄雍正七年知府張淑郿知縣周之相教諭聶娘相繼建修

通山縣儒學在羅埠山麓宋建歷元如舊明初知縣任昂即故址鼎建知縣吳萊戴惠朱庭芝續修

皇清康熙間知縣夏燦重修雍正間知縣李埏吳飛九井浚同教官鍾惟聲丁永琪等相繼修

漢陽府

漢陽府儒學在鳳棲山下明洪武初知府程瑞因宋舊址建成化間知府何淡重修弘治間知府張銳張文質重修嘉靖間知府孔鳳賈應春重修明末兵燬

皇清順治六年知府傅應星鼎建康熙中知府郝士鎔
增修

漢陽縣儒學在南紀門內明正統間裁併入府學萬
歷乙酉知府王學古知縣喻應台詳請重建丁酉知
縣陳堯欽整葺之戊申水圯知府舒體震重修明末
遞遭兵燹

皇清順治十四年知府邱俊孫教諭凌建奇復建康熙
五十八年邑紳士重修

欽定四庫全書

湖廣通志
卷二十二

七

漢川縣儒學在縣治東北明洪武初知縣張敬建嘉靖間知府賈應春徙伏龍山下後知府劉廷梅知縣昌應會復建今所

皇清康熙間布政司徐惺捐俸修

聖殿門廡提學蔣永修訓導向士煜修明倫堂康熙四十四年邑紳士重修

黃陂縣儒學在縣治南明初知縣吳旻因宋元故基建歷知縣劉拱宸楊啟予劉時省李恒呂調陽徐蓮

僉事萬秀通判萬壽推官羅翰相繼增修

皇清雍正五年添建照牆

孝感縣儒學舊在縣治東宋端平間燬於兵元時知縣趙資仁喬成劉諒徐元等先後創葺復燬於兵明洪武五年知縣朱師勝即常平倉地建立學宮亦在治東視前為近九年省縣入州學遂廢十三年復置縣知縣宋顯銘即宋元廢址建縣治東歷教諭梁炯知縣史楮曹敬率推官黃輦知縣龍興郭斗雷鳴春

趙可鎔相繼增修隆慶四年知縣劉崑廢會真觀改建今所萬厯間知縣彭同魁及邑人先後增修明末兵燬

皇清順治十三年邑人屠秦疏重建十六年知縣張擢士增修康熙三十年知縣梁鳳翔重修五十四年知縣劉朝講重修

黃州府

黃州府儒學在府治東明洪武初知府李仁即宋河

東書院址建歷知府錢敏余浩王霽余桂應明德相繼修楊溥歐陽旦黎淳朱節劉采王廷陳俱有記

皇清順治間知府何應珏康熙間知府于成龍蘇良嗣王輔賈鉉相繼修五十六年知府蔣國祥重建啟聖祠雍正元年改

崇聖祠雍正二年知府蔣國祥督同教授彭士商重修學宮

黃岡縣儒學在縣東舊在南門外明洪武間徙縣東

南正統間知府錢敏修李時敏記東西接民居屢遭
燬僉事張彬拓之正德間遷今所知府余貴胡潔管
霄繼修朱節王霽記萬曆三年知府潘允哲知縣羅
應鶴重修明末兵燬

皇清順治五年知縣高自訓重建康熙四年知縣徐籓
增修康熙十一年知縣董元俊更新之

蘄水縣儒學在縣東明洪武間知縣趙季光因宋元
故址建歷縣丞黃舍觀主簿夏時知縣胡奎江文煥

孔榮宗縣丞李蔚主簿王輔典史金鼎教諭申屠鐸
訓導簡縉紳左惟賢兩次重建明末兵燬

皇清順治間知縣倪籥元修尋災知縣李蓀劉佑相繼
修繕康熙間署縣金廷襄創建尊經閣知縣劉象賢
汪欽加葺雍正六年因櫺星門外向右單設一門西
向不利又所面城埤違制教諭夏策謙詳請改置捐
建柵欄

羅田縣儒學舊在縣東明洪武初知縣石璞遷縣南

宏治間水泛知縣羅勲復遷舊處嘉靖間知縣勞樟
祝珩相繼重修

皇清康熙四十一年知縣姚士基遷於縣西至五十年
復遷於原址之前

麻城縣儒學在縣治東明初知縣張谷維因唐宋故
基建洪武三年知縣趙乾重建歷知縣楊順翁選胡
琮陶天忠尚德恒推官嚴肅相繼修明末兵燬

皇清順治間知縣王潞修葺康熙五十二年知縣馬元

勛重修知縣吳鎮行更新之雍正五年貢生周基國
捐貲請於署縣譚岑重修

崇聖祠

黃安縣儒學在縣治西南明嘉靖癸亥都御史谷中
虛御史徐大壯提學吳文華檄同知袁福徵知縣林
葵建歷知縣常正紀應存初始成

皇清康熙間知縣張一躍繼修六十一年重修

蘄州儒學在麒麟山陽明洪武初知府左安善因宋

元故址建府學後改州學歷知州王坦趙應龍莊轍
周廣榮楊淮石璽相繼增修萬厯三年鄉官馮天駿
捐貲重修

皇清康熙五十一年知州劉國輔學正劉清史訓導陳
作楫捐修雍正七年廩生馮燁重修

廣濟縣儒學在縣治東北明洪武初知縣陳景昌遷
治東南後復遷分司舊址明末兵燬

皇清順治間知縣閻國士教諭傅鐸建修康熙六年知

縣黃玉鉉教諭李以範相繼增修

黃梅縣儒學在縣東南元至元己卯初建至正六年
知縣喬恩忠增儀門講堂元末兵燬明洪武三年復
建歷縣丞李顯知縣戴中相繼修明末兵燬

皇清順治六年知縣陳覲天教諭張士淑修葺康熙六
十年知縣戴紹祖重修

安陸府

安陸府儒學舊在府城東南隅櫺木山西宋紹興中

漢水衝圯徙城北淳熙五年郡守孫樊徙長壽東南
隅元為安陸府仍宋舊明初即鎮遠樓為安陸州學
洪武十五年知縣梁棟徙建蘭臺即宋玉宅舊址十
六年州學災二十三年曹國公李文忠重建歷知州
顧震趙熙俞蓋提學薛綱高繡學正林啓增修弘治
八年興獻王命修葺殿廡易櫺星門瓦以琉璃正德
十三年興獻王發帑重修嘉靖十年州陞府改府學
明末兵燬

皇清順治間知府李文芳李起元馬逢臯知縣李彥珽
康熙間知府吳肇榮相繼建修

鍾祥縣舊無儒學

皇清康熙五十四年學臣薄有德題請添設知縣李
懋於興府舊址建

大成殿東西廡櫺星門

京山縣儒學在縣治西宋崇寧間知縣劉幹建學城
南河畔元因之明洪武初知縣劉桓改建今所

皇清雍正七年重修

潛江縣儒學元至正癸巳邑為水決學隨邑遷今治
教官楊實重建於治東明洪武初知縣史純一即故
址重建弘治間知縣史華嘉靖間知縣夏泗移建向
前以廣之萬厯間知縣朱熙洽王建中等繼修

沔陽州儒學在城東北明洪武九年改為州學知州
金德增修歷知州李震鄒烜鍾順呂文孫行彭萬里
徐咸李漁曾諸副使劉士元相繼修

皇清康熙四十年重修五十五年增修

天門縣儒學在北門外清河橋北舊在縣西南隅明
洪武三年因故址建正統後知縣顧行姜綰周端李
東教諭翁美先後重建嘉靖間改建今所按郡志學
中有

先師像係吳道子筆嘉靖壬寅有兵巡使者行部至邑
馬伏地不行因掘得石碑乃所刻道子畫像也

荊門州儒學在平泰門內明初知州戴昌因元故址

建歷知州俞誥陰子淑楊琇相繼修

當陽縣儒學在縣治西舊在玉陽山元末遭兵燹明
洪武初改遷方城後知縣魏忠復遷故址嘉靖間知
縣侯加祥遷九子山下萬厯間知縣胡漢改遷縣治
西門外知縣李啟元始徙入城今仍舊

德安府

德安府儒學在府治東宋建三皇臺前明初徙府東
北後仍遷舊址即今所歷知府張寬范理周鐸王壘

和鸞馬綸鄭淮湯紹恩陳謨李逢徐貢元馬文煒樊
邦正相繼修建楊溥王直楊春等為之記明末兵燬
皇清順治間知府李慎修高翱繼修

安陸縣儒學明洪武十三年知縣杜益建歷知縣朱
敏陳顯林璲林相繼修嘉靖間知府徐貢元遷府治
東與府學並列

皇清康熙五十五年重修

雲夢縣儒學在縣東明洪武間建縣北知縣汪淮遷

今所歷知縣施紀賈陞陳謹趙文傑黃輩孫復相繼
修

皇清康熙五十八年知縣沈家鶚新之

應城縣儒學在縣治東明初知縣賈嚴即宋謝顯道
所建故址創立洪武十年縣併雲夢學隨廢十三年
縣復知縣韓子中重建尋圯知縣夏機繼建成化及
弘治年間修後知縣汪清馮宗龍張淑宗相繼修

皇清雍正七年知縣唐琳捐俸重修

隨州儒學在州治東明洪武十四年知州陳萃因宋
元舊址建州城東歷知州仲端尤忠汪嵩李克朱天
秩相繼修萬厯初知府馬文煒知州林梓改遷今所
皇清順治中直指李贊元題請鼎建後學正王岱重
修

應山縣儒學在縣治北明初主簿白欽祖因元故址
建洪武十年縣併學廢十三年復知縣魏樸重建成
化嘉靖中歷知縣李春王尚用王朝遂樂頌相繼增

修

皇清康熙間知縣周祐倡議重修

荊州府

荊州府儒學在府治南明洪武三年知府周政因元
故址建歷知府劉永李仁儀撫治副使相守禮相繼
修明末兵燬

皇清順治間知府王業惇建康熙間巡道祖澤深增修
江陵縣儒學舊在城東沙市明洪武初遷入于城中

十三年遷今縣治北正統間修正德十五年僉事張
萱增修萬厯間副使張振先重修明末兵燬

皇清康熙六十年巡道殷邦翰同屬員諸生遷建於道
署之西雍正二年落成迎主奉祀

公安縣儒學原在舊縣城內兵火後遷新縣

皇清順治九年邑人毛侍御捐地創建訓導孫錫蕃捐
修雍正元年教諭陳繼先率邑紳士重修櫺星門新
濬外泮池

石首縣儒學在縣西門內明洪武初知縣宋永恭因
元故址建歷知縣馬祥雷元黃本經歷楊家相相繼
修

皇清雍正三年訓導劉方夏詳准重修

監利縣儒學在縣東宋端平時燬元至正後相繼營
建明洪武間知縣張貴因宋元遺址建正統間燬知
縣鄭崇重建成化間僉事萬綉知府范英焦欽修

皇清順治七年知縣蘭完璉重建康熙間教諭邢子愿

盧絳知縣鄭國印程藻相繼修雍正四年知縣羅綬
重修

松滋縣儒學在縣東宋建胡瑗張栻記明洪武初知
縣許彥盛因舊址重建正統間歷知府張嵩趙璉知
縣楊景馮淳相繼修

皇清康熙二十三年知縣高起鳳陳麟教諭童式度重
捐修

枝江縣儒學明初建城東沙沱市成化十七年遷城

內小西門弘治間知縣蔡文置地移建萬厯間知縣
周仲士遷縣治西明末庚辰知縣胡鳴岡請於巡道
王永祚知府王觀光大學士楊嗣昌復遷城內福傳
山

皇清康熙三年知縣周廷桂巡道祖澤深次第修葺康
熙四十年知縣孔毓基遷建城東南明枝所官廨故
址五十二年五十八年雍正元年知縣張聯星任直
陳惠榮相繼修理完備

夷陵州儒學在州治東北宋故址在南門外明洪武
初改建今所歷知州馮浩劉本用林鉞鄔遂相繼修
明末兵燬

皇清順治九年知州朱長應建修康熙四年九年二十
三年知州鮑孜田恩遠相繼修五十五年重修六十
一年重修鄉賢名宦祠

宜都縣儒學在縣治東明洪武初知縣郭魯道因宋
舊址建歷知縣王濬劉瑞李麟相繼增修

皇清康熙四年知縣葉代生二十四年巡道祖澤深先
後捐俸重修

遠安縣儒學在縣治北舊在亭子山下明成化間遷
今所歷知縣劉英王炬相繼增修

皇清順治間知縣周會隆安可願康熙初知縣陳其舜
重修五年由新城遷於舊城北門外四十年知縣梁
鳳翔重修啟聖祠雍正元年改

崇聖祠額

襄陽府

襄陽府儒學在府治東南明洪武初知府張善建歷
都御史章煥汪道昆知府何源萬振孫同知范愛衆
相繼增修明末兵燬尋修復

皇清順治間副使蘇宗貴知府陸登甲加葺雍正初知
府甘國奎尹會一重修

襄陽縣儒學在縣治南明洪武初建嘉靖間副使王
佩隆慶間同知范愛衆萬厯間知縣尹廷俊訓導李

尚銘相繼修明末兵燬

皇清順治間撫治趙兆麟副使蘇宗貴知府冀如錫知縣董上治重建康熙十二年知縣余配元增修雍正初襄陽道趙宏恩知縣程其成重修

宜城縣儒學在縣治毓秀山下宋建元明因之宣德間知縣張泰重修萬厯二年知縣雷加祥改櫺星門以石柱

南漳縣儒學在縣治東明宣德間知縣莊敬因宋舊

址建正德間知縣蕭浩修

棗陽縣儒學在縣治東南元知縣馬讓魏文昌建元
末兵燬明洪武間知縣吳子俊即舊址重建歷知縣
黃金王時忠楊瑛安邦王允耕楊履王應辰相繼修
皇清順治間知縣柯聳重修

穀城縣儒學在縣治東南明初因宋元故址建明末
兵燬

皇清順治間知縣劉楷建修康熙五十七年知縣扈際

興重修

光化縣儒學在縣城內聚奎街西北宋元前在古鄧城內明洪武間知縣陳聰即舊址重建萬厯初知縣陳其範改建今所

皇清順治間知縣扈申忠重修明倫堂

均州儒學在州治東宋咸平中建明洪武初重建正統間修正德嘉靖間知縣張聰葉尚文相繼重修

鄖陽府

鄖陽府儒學在府治東北舊為鄖鄉縣學在今府治
南成化間都御史原傑奏置府治陞為府學弘治間
都御史王鑑之遷府治西北嘉靖間知府黎堯勲改
遷府治西與鄖縣儒學合祀丁巳都御史章煥開拓
城垣東北隅改遷今所

皇清順治十六年御史張尚知府張文星重修康熙五
十六年知府黃焜修葺雍正四年知府王瀚補修
鄖縣儒學在縣西舊為鄖鄉縣學成化間陞為府學

縣學廢嘉靖間知府許詞奏准另建

皇清康熙五十五年知縣盧尚進捐修

房縣儒學在城東門外舊為州學在城內東北明洪武八年改州為縣學因之後改遷今所成化七年又遷城內舊址嘉靖十八年復遷今所

皇清康熙六年通判仇昌祚建修後圯二十九年知縣沈用將重修四十四年知縣董雱捐修雍正八年知縣李居臨修葺

竹山縣儒學在縣治東北舊東南明洪武中知縣郭士賢建成化十一年以地汙下遷建蓮花池地即今所久圯

皇清康熙二十九年知縣董綿祚捐修

竹谿縣儒學在縣治東明成化間都御史原傑建嘉靖二十三年署府同知溫如璋重修後圯

皇清康熙十九年知縣徐京陞建修四十一年知縣祁聖年教諭程大華重修工未竟知縣翁聖年繼成之

五十八年知縣龔克庸修葺雍正七年教諭萬大中
八年知縣朱瑞世增修

鄖西縣儒學在縣治南明成化間都御史原傑知縣
侯爵建歷知縣劉理王才王綸蘇紳黃鑑邵陽楊震
宇相繼修葺

皇清順治四年知縣賀繩烈重修康熙四十四年知縣
陳志源貢生梁鳳翥重修

保康縣儒學在縣治右明洪武間知縣蘇惠和捐建

明末兵燬

皇清康熙五十二年邑紳士重建

直隸歸州

歸州儒學先在州後山麓之右萬厯戊申知州張尚
儒遷於左明末兵燬

皇清康熙四年知州曹熙衡重建

長陽縣儒學在縣治東明洪武間建成化間知縣李
福劉奎相繼修正德二年教諭劉永祥遷明倫堂後

山下萬歷己亥復遷山岡明末兵燬

皇清順治間知縣樊維翰捐建於來龍山下漸次修舉
興山縣儒學在縣治東明弘治間徙建東關外未幾
復遷舊址正德間推官陸鰲重修

皇清康熙十一年知縣胥遇捐修知縣王熙隆繼修三
十六年知縣姜元春詳准重修

巴東縣儒學在縣治左明洪武初建隆慶間災知縣
鄒光裕遷建壽寧寺基萬曆十五年知縣高尚德改

建今所明末兵燬

皇清康熙四年知縣蔣希古創草房三間於今址後十一年知縣陳銑復建今址二十二年知縣齊祖望增修

恩施縣儒學舊在南門內明洪武十八年遷南門外即今文昌閣基址弘治間參議林璜僉事鄭岳復徙今所俱圯燬

皇清康熙二十四年巡道祖澤深捐建四十五年重修

貢院書院附

武昌府

貢院在府城內鳳凰山南宋建炎中附試九江紹興
甲子各試於郡郡各置院興國江陵茶陵俱有之元
試於城隍廟明正統時始創建今所號舍皆板屋成
化七年重修萬厯元年布政使施堯臣陳瑞易以磚
石上覆以瓦懷宗十五年提學高世泰增修號舍

國朝因之康熙壬午布政使李基和借縣學基拓號千

餘間併原號不滿七千赴試者多至萬餘人癸巳巡撫劉殿衡布政使李錫按察使牟欽元允南北紳士劉明經等條呈

題請捐修買民舍拓基址添號五千有奇

芹香書院在府學前舊為社學明成化間提學薛綱改建今廢

濂溪書院在府學前舊為社圃亭明嘉靖二十四年都御史張雨改建懷宗六年御史白士麟移建明月

橋西右為濂溪祠祠前鑿池引明月湖水種蓮立坊
額曰愛蓮後廢

江漢書院舊在文昌門內明督學葛寅亮集生徒講
學處後廢

國朝順治初左布政黃志遴張爾素瞿鳳翥移建忠孝
門內康熙間巡撫陳詵張連登次第修葺

東山書院在黃鵠山前相傳東方朔讀書處

南湖書院在武昌縣東半里坐挹平湖諸峯競秀一

邑奇觀宋淳祐中權壽昌軍事京規教授黃瑞諒建
祠奉周張二程朱子南軒東萊七先生闢齋築堂寶
佑中知府段震午增築堂廡至元間設山長領書院
事至正中達嚕噶齊鐵山重建後燬於兵基存明景
泰間三分其一為府館餘為布政分司

東臯書院在武昌縣明嘉靖二十一年教授朱瓚建
義學書院在嘉魚縣湖西宋建明李永芳修

鳳山書院在蒲圻縣明蔡潮建王儼廖道南有賦今

廢

新溪書院在蒲圻縣新店市宋周風仕建今廢

大宗書院在蒲圻縣治東北明懷宗時提學高世泰

同知縣曾拭建

相山書院在咸寧縣宋馮京讀書處今廢

青陽書院在通城縣儒學東明嘉靖間巡撫顧璘建

疊山書院在興國州宋謝枋得讀書處

義學各州縣並置

漢陽府

鳳山書院在漢陽府儒學後鳳棲山顛

二程書院在黃陂縣魯臺山麓明邑人楊廷蘊縣丞
李成紀重建

甘露書院在黃陂縣甘露山下黃武濱建中祀二程
夫子

西湖書院在孝感縣西湖中明月臺上宋藝祖沽酒
處

義學各縣並置

黃州府

問津書院在黃岡縣北九十里孔子河昔孔子自陳
蔡適楚至此問津石刻孔子使子路問津處八大字
疊石跨津上名孔嘆橋橋北有風亭當孔道顏曰聖
賢路上倚河北岸為孔子山上有講經臺左右為長
沮桀溺畝西北隅為曬書場山麓路旁突出一石上
鐫進步處旁勒五迪二字不知始於何時五迪疑鐫

書名字也當津之衝有石屹然名坐石墨池在其右
東隔層巒三里許曰顏子港北十里許曰回車埠蓋
自此返蔡焉唐杜樊川守黃州治間廟祀元龍仁夫
築室山下立講院旋燬於兵明萬厯間知府王世德
推官許惠一建額曰問津書院至今廟貌巍然中奉
先聖像西為仲子祠配以沮溺東祠祀理學先儒祭器
祭田釐然具備士子相率肄習其中邑人上檉上著
有問津書院志

東坡書院在府城宋蘇軾謫居於此明吳淮建

道峯書院在麻城縣牛棚山知縣陳子文為隱士道

峯毛鳳建

南門書院在蘄水縣南謝朝宣建祀王羲之陸羽蘇

軾

老塔書院在羅田縣明正德間郡司馬毛應時建邑

進士王先於此講學齋聯云未審昔人稱老塔請題

今日作東山

崇正書院在蘄州沈龐羅洪先建

陽明書院在蘄州北門外

江漢書院在廣濟縣龍坪明瞿九思與諸生講學處
義學各州縣並置

安陸府

郢門書院在府治陽春臺

文昌書院在府城東里許子胥臺之南前臨漢水左
馬良山右三尖山為郢城最勝地明萬厯丙辰守道

高第吳尚默次第重建為諸生肄業所額曰大觀軒
明末兵燹

國朝順治十六年知府馬逢臯重修塑文昌像於閣上
於季春朔三日率諸生讀書屬文於此後如期而至
十八年推官黃尊光築牆建坊顏曰文昌書院邑人
鄭茂泰有記

同仁書院在潛江縣西明督學劉垓建都御史鄒元
標有記

中洲書院在潛江縣大關帝廟街東明邑人郭世朝
建內有椿桂堂環翠亭講經所大本達道齋

石橋書院在潛江縣今廢

傳經書院在潛江縣前西街

國朝康熙十年知縣王又旦建內為傳經堂堂左為說
詩臺右為操縵軒後為藏書樓樓東西為文場又旦
立有書院約七條

夢野臺書院在天門縣東門內明祭酒魯鐸讀書處

茶陵李文正東陽題額

東湖書院在天門縣東湖岸亦祭酒魯鐸讀書處

象山書院在荊門州西明弘治間參政鍾文俊建祀

陸九淵

義學各縣並置

德安府

長庚書院在府治西白兆山下唐李白讀書處元李

仲章建有記

江漢書院在府城南文筆峯下元儒趙復講學於此
碧霞書院在府城北石柱山上明萬曆丁巳督學葛
寅亮建

國朝知府高翱重修

白雲書院在隨州即隨侯得珠處

漢東書院在隨州磚城外即宋元以來舊學

義學各州縣並置

荊州府

荆南書院在府城內南紀門之西康熙己亥年郡守
邱天英買地鼎建並置學田以為諸生課讀之費

竹林書院在公安舊縣寇公祠傍宋南渡後孟琪創
建以處四方流寓之士後存廢址

國朝知縣楊之駢卜遷寇公祠於今縣北門外大道傍
因為義館有記

崇正書院在石首縣社稷壇左明大學士張壁建今
廢

清江書院在宜都縣清江北一里許白洋驛後元人
文璋藏修之所明正德間邑人向文璽因舊址結屋
三間知縣江朝宗題曰北山書院歲久傾圯嘉靖丁
未知縣陶師文改建於儒學右隙更題曰清江書院
明末毀

六一書院在夷陵州宋歐陽修建

白水書院在枝江縣西三里元巴圖摩歡司建今廢
義學各州縣並置

襄陽府

武侯書院在府儒學東有碑記

隆中書院在隆中山漢諸葛亮隱居處

鳳樓書院在襄陽縣即雲封寺龐統故宅

冽泉書院在習家池明督學葛寅亮建基存

鳳山書院在羊侯廟南明督學顧起鳳建基存

滄浪書院在棗陽縣東一里舊名濯纓亭

文忠書院在光化縣耿家河口明嘉靖間知縣鄭蔓

為歐陽修立萬厯時知縣陳其範遷迎輝街

古南陽書院在均州治南門內

國朝十一年知州党居易修有記

義學各州縣並置

鄖陽府


五賢書院在鄖縣祀周二程張朱

義學各縣並置

直隸歸州

崇化書院在恩施縣

義學各縣並置



湖廣通志卷二十二

欽定四庫全書

史部

湖廣通志卷二十三

詳校官監察御史臣陳化龍

檢討臣德生覆勘

總校官知縣臣繆琪

校對官編修臣勵守謙

謄錄監生臣李元位

欽定四庫全書

湖廣通志卷二十三

學校志

貢院書院附

長沙府

長沙府儒學在正南門右元平章阿爾哈雅始建正
殿明初指揮丘廣建明倫堂知府劉清建廟廡齋舍
教授王褒立射圃後知府錢澍建尊經閣同知盛應
期立號舍嘉靖時知府孫存修櫺星門潘鑑奉制建

敬一亭修大成殿立四齋樊景麟鑿泮池隆慶間知府周標修櫺星門萬厯時知府吳道行增司祭更衣二館改泮池櫺星門外羅緄復修啟禎間推官林正亭大加修葺同知朱士景建啟聖祠

皇清順治四年知府張宏猷修廟及堂康熙十九年巡撫韓世琦布政司安世鼎薛柱斗按察司馬斯良副使趙廷標知府任紹壙同知熊中鶴重修

長沙縣儒學在新開門內舊建於瀏陽門內定王臺

元至元間移建府學之右明洪武十三年知縣王銓
遷縣治東十八年遷北門外

皇清順治十四年知縣朱明魁又遷於驛步門外康熙
四十五年改建今所

善化縣儒學在縣治左舊在城南興仁坊明洪武四
年知縣孟吉建於府學左十五年知縣張居仁建於
仰山寺舊址成化十六年知縣盛時遷於縣治之西
嘉靖癸亥改建今所西面嶽麓明季燬

皇清順治十五年知縣孫國泰重建

湘潭縣儒學在縣治西宋元俱建於縣東元季燬明
洪武間知縣莫玉重建正德丙子改遷縣西廣惠寺
即今學址也萬厯間知縣查大期蕭奇傑包鴻達先
後增葺

皇清順治十一年知縣劉見龍康熙三年知縣鄭有成
乙丑知縣姜仁修重修

湘陰縣儒學在縣治東宋元祐間知縣王定民建於

縣南筮竹書院舊址崇寧間以地濱江遷縣東義勝坊即今學址也元季燬明洪武間知縣王思讓重建宣德間知縣宋綸成化間主簿朱敏知縣周蕃後知縣蔡金張燈王京祥黃士榮祖守節以次修葺

皇清康熙三年知縣唐懋淳重修

湘鄉縣儒學在縣治東宋大中祥符間建於縣治西北建中靖國初改建連水之東胡安國提舉湖南學政徙今所元皇慶間邑人周士琰修之明洪武初改

建縣西後知縣龐欽明復遷於文定所建舊址萬厯間知縣揭士奇重修

皇清順治十七年知縣南起鳳葺殿廡康熙四年知縣陳拱照建明倫堂

醴陵縣儒學在縣治東元大德間知州張思敬呂介增修元季燬明洪武初知縣黃彥正重建後知縣龍章舒文舉游於北晏朝寅相繼修葺

皇清順治十四年知縣張法孔建殿祠堂廡康熙四年

知縣張尊賢重修

攸縣儒學在縣治東南宋寶佑三年建元季燬明洪武初主簿王範復建後知縣吳桂杜庠江昌董志毅相繼修葺

皇清順治十年知縣朱英熾教諭古通今重修

益陽縣儒學在縣城西門外歷宋迄元相仍不改元季燬明洪武初知縣田俊重建後知縣楊哲汪淮朱鉅鄭思孟相繼修葺

皇清順治十八年教諭李應柏康熙二十年知縣江閏
四十四年知縣祖彰五十四年知縣姚恒重修雍正
元年教諭黃嗣山增建學齋

瀏陽縣儒學在縣治西宋元迄明初俱在縣治東正
德丁卯移創今所後知縣蘇志臯趙憲章楊一桂相
繼修葺

皇清順治十二年知縣徐維琫康熙三十一年知縣蔣
曜增修

寧鄉縣儒學在縣東門外飛鳳山之陽舊在南門外
後唐同光二年知縣梁貴賓卜遷今所歷代相仍元
季燬明洪武初知縣薛德昭重建後知縣梁俊鄭楠
胡明善沈震龍周瑞豹相繼修葺

皇清順治十二年知縣蔣應泰建明倫堂及名宦鄉賢
祠康熙三年知縣權世持修大成殿建兩廡葺啓聖
祠

安化縣儒學在縣治西宋熙寧間建於縣治東寶佑

間改徙今所元季燬明洪武初知縣梅源善重建正
德辛巳又遷於縣東明季知縣蔣永亨復遷於縣西
皇清康熙六年知縣王丕振四十四年知縣祖彰以次
修葺

茶陵州儒學在州治西宋寶祐間建於紫薇門外明
成化中知縣俞蓋改遷今所弘治間知州李永正復
徙城外丁卯知州董豫又改建於城外獅子口

皇清康熙十年署州事葉筠仍建州西十九年知州熊

應昌重修

衡州府

衡州府儒學舊在石鼓山宋開慶間改建於郡城內
之金鰲山元至正間遷於李芾故宅明洪武三年太
守高從訓重建嘉靖間知府周浩萬厯間知府熊煒
許侯陸志孝鄧以誥劉春等相繼增修明季燬

皇清順治九年巡道張兆熊知府陳起潛建大成殿十
三年偏撫袁廓宇建明倫堂十六年知府李光座建

啟聖祠康熙二十二年分守朱士傑學使王孫蔚捐俸命教授黃士珩完葺

衡陽縣儒學在城西門外宋開禧三年建元至正七年僉事周驤勘舊泮池在僧寺中復之元季燬明洪武初知縣周岳即舊址重建正統中知縣林靖修成化六年知府徐孚重建萬歷庚辰圯同知沈鈇推官朱梯復置學宮建尊經閣又建敬一亭癸巳知府陸志孝續新之明季復圯

皇清順治十八年教諭古通今等集議捐修自康熙元年經始越明年夏告成中建大成殿凡五間東西廡各三間前設廟門後建啟聖祠三間

衡山縣儒學在縣治左唐天寶年建宋大觀元年學士鄭居中奏乞御書八行刻石學宮元季燬明洪武三年知縣陸伯良即舊址重建正統間知縣龔俛以廟學湫隘構地拓基成化十五年知縣游昂重修嘉靖五年知縣彭簪增學舍二十三間中為文會堂與

諸生講業隆慶二年遷於南門外萬曆十一年復遷
今所

皇清康熙十九年知縣孫維震增葺四十七年知縣杜
元勳遷建啟聖祠於大成殿後四十八年教諭王大
經建櫺星門易木以石五十九年鑿泮池

耒陽縣儒學在縣治南舊學在縣治東漢耒陽長侯
寘建宋元符二年江滋重建元季燬明洪武二年知
縣徐煜移置縣治北天順中御史龔謙修成化五年

知府徐孚復修隆慶己巳知縣劉太和遷建於南城
外山川壇萬厯己亥知縣曾維懃修

皇清康熙四十八年知縣張應星改建今所

常寧縣儒學在縣治北舊在南門外宋建為州學元
季燬明洪武三年改州為縣八年縣丞金彥和重創
縣學成化十九年知縣謝廷舉修萬厯七年知縣吳
景明重修四十三年知縣劉自省復建聖殿兩廡兩
齋知縣徐兆奎重建櫺星門周圍甃以石

皇清康熙十年知縣張問明改建今所

安仁縣儒學在縣治東南舊在治西宋紹興中徙於城之西南隅嘉定五年王槐遷今所明洪武三年知縣韋衡建景泰四年知縣李恕施善相繼重修弘治七年僉事吳淑購地廣之萬厯九年知縣賴霖改建啟聖祠明倫堂二十八年知縣謝之藩改建於城西四十五年知縣張自省復建今所

皇清康熙十九年知縣韓稷拓地修葺二十八年知縣

陳黃永重修

鄞縣儒學在縣治東舊在縣治西宋嘉定中建元至
正中徙今所明洪武三年知縣朱璣仍舊址重建天
順七年知縣韓暄重修弘治四年知縣蘇源復大新
之嘉靖十六年知縣高社建敬一亭二十三年知縣
胡子信建啟聖祠歲久漸圯

皇清順治十八年知縣李朝事繕葺康熙八年建櫺星
門

桂陽州儒學在州治東州舊為郡五代晉時創夫子廟於郡左宋天聖年災紹興十二年知桂陽監張修遷於城南乾德元年燬四年復建明弘治壬子判官姜綰遷城南嘉靖十七年巡撫顧璘分巡姜儀復舊址萬曆十三年知州羅大奎重修

皇清順治八年文廟及兩廡災十四年知州劉見龍重建康熙十四年知州袁繼善以舊制狹隘撤而新之臨武縣儒學在縣治東北舊在縣治東南宋乾道元

年改建今所元延祐丙辰縣尹皮元重建元季燬明
洪武三年知縣賈元凱建正統九年儒學訓導鄭侃
以其地卑隘奏改徙事下知縣李庸等議即故址增
土重建萬厯六年知縣金元重修明季燬

皇清康熙四年知縣李振麟重建二十三年知縣張聲
遠增修

藍山縣儒學在治東舊在舜水之涯宋慶厯四年建
嘉定間縣令沈光龍改築於縣南寶厯丙戌桂陽守

高不倚檄知縣史元舉修元至元丁亥縣尹李勉之
復加完葺泰定五年劉季喆遷建今所明洪武間重
建成化元年知縣蕭被修弘治五年知縣汪英重修
正德乙亥知縣劉文華撤而新之

皇清康熙九年知縣鄭夢坤重修

嘉禾縣儒學在縣治西北明季始建旋燬

皇清康熙八年知縣湯學尹重建二十二年知縣韓自
強四十九年知縣陳祥祚俱重修五十二年祥祚又

建啟聖祠

永州府

永州府儒學在府治東舊在郡城外唐刺史韋宙因
瀟西紅蕖亭立後遷愚溪宋慶厯中柳拱辰移建郡
城內高山之麓嘉定間郡守趙善謚稍徙山下趙希
楫復增廣焉元平章阿爾斯蘭明僉事曹衡張輓吳淑
知府劉泰姚曷增修萬厯己未知府林士標卜遷今
址

皇清康熙二十五年知府柯弼雍正三年知府張廷樞
教授王楙績相繼重修

零陵縣儒學在府治東舊在城外愚溪橋左明洪武
三年知縣馬裕改創城南宏治庚戌避水患徙於城
北嘉靖乙巳卜遷今址

皇清順治十四年知縣劉方至雍正四年知縣劉尚質
教諭徐源舒相繼重修

祁陽縣儒學在縣治東青雲橋舊在城東五里明嘉

靖中改建今地

皇清順治十四年遷縣署至康熙七年知縣王頤復舊
十三年燬十九年冬知縣王靄重建

東安縣儒學在縣南門外迤東二百餘步宋建學基
本在城外明時遷建不一景泰初遷入城內至萬歷
庚戌再移城外即今學也

皇清康熙十九年知縣程雲翀修

道州儒學在州西營川門外唐刺史薛伯高建至宋

規制大備元時判官吳芾新之明嘉靖間知州王曾
萬厯間知州韓子祁相繼重修明季燬

皇清順治八年署州事同知馮洪英十三年知州高攀
龍十八年知州王希聖相繼增修

寧遠縣儒學在縣治西南二十餘步宋乾德三年建
明洪武初知縣朱公慶修葺永樂中燬洪熙元年知
縣劉童重建嘉靖中知縣周諒徙於郭東二十六年
知縣劉孔愚復舊明季燬

皇清康熙二十年知縣沈仁敷重建

永明縣儒學在縣治西九十步明洪武七年知縣旂叔度建成化中僉事蕭正重建弘治間同知徐瑚嘉靖間知縣楊秀輔相繼重修

皇清順治十年知縣尹足法康熙二十二年教諭徐尊顯重修

江華縣儒學在縣治西舊在縣東創於唐神龍元年自宋迄明屢經遷建明季遷今地旋圯

皇清康熙二年知縣林調鶴教諭李嘉卉重修

新田縣儒學在縣東門內明季署縣事張恂建旋燬
皇清順治十五年知縣沈維垣建殿於舊基之前康熙
八年知縣鍾運泰復舊

寶慶府

寶慶府儒學在府治西宋為邵州學建於治左攝州
事周惇頤遷於邵水之東為今縣學紹興乙亥徙入
城乾道中知州胡華復遷舊址張栻為記慶元丙辰

知州黃沃修嘉定十三年知州劉保以距城隔水卜
遷今址元因之為路學布尼雅錫哩重修後燬明洪武
元年同知程斗南重建萬厯庚寅守道馮露以聖殿
後基逼近啟聖祠遷建於明倫堂之前明季燬

皇清順治十七年知府傅鸞祥康熙二十年學使蔣永
修重修二十二年知府梁碧海建文昌閣

邵陽縣儒學在郭外邵水之東即宋周惇頤遷州學
故址元大德間知縣溫淵建明洪武十三年知縣薛

得中重建宣德二年知縣何永芳重修正德丙子為
水所圯僉事謝廷桂知府石鳳遷城內嘉靖間復舊
水又圯知縣鄭守炬重修明季燬

皇清順治十二年推官朱應昇重建康熙二年知縣顏
堯揆建明倫堂七年知府傅鸞祥改學宮西向二十
二年知府梁碧海知縣張起鵬重修

新化縣儒學在縣治東宋熙寧五年章惇開復梅山
始建學於縣之西南隅紹聖初隨縣治遷於白石坪

尋復舊元因之後燬明成化七年知府謝省遷建縣
治東是為今學明季燬

皇清順治十八年知縣于肖龍重建康熙二十二年知
府梁碧海重修

城步縣儒學在縣治東明正德丙子年建萬曆癸巳
知縣元宗孔修甲寅知縣汪察改遷城西南

皇清康熙八年知縣蔣遵國改遷今所

武岡州儒學在州城南即宋軍學舊址先是崇寧丙

戊置武岡軍建學於宣恩門外紹興戊午遷今所元
為路學至正末兵燹明洪武初仍舊址建之

皇清順治庚子知州吳從謙重修

新寧縣儒學舊治東北一里始自宋紹興元年即金
城村為治而學建焉元因之後燬明初即舊址重建
景泰辛未徙今治遷學於治東天啟癸亥復依明初
舊址重建

皇清順治十八年知縣崔錡重修

岳州府

岳州府儒學在府治東南隅宋治平中知岳州軍事
趙尚之奉詔創立明洪武間始建明倫堂正統三年
知府易善成化中知府吳節重修嘉靖初知府李鏡
二十三年僉事王宗濬知府陸邳增構宏整

皇清順治四年叅政唐調鼎知府李若星康熙十九年
督學蔣永修糧驛道趙建標相繼重修

巴陵縣儒學在縣治西南明洪武初知縣郎子文建

宣德間知縣狄成成化間知府吳節嘉靖中知縣江滿修葺

皇清康熙十九年督學蔣永修知府李遇時四十八年知縣王國英相繼重修

臨湘縣儒學在縣治西南明洪武初知縣馬傑創立成化二十一年知縣李殷以舊基淺隘購民地拓之皇清康熙十年知縣潘大臺增葺二十三年知縣陳澄度訓導錢有年相繼重修

平江縣儒學在縣東宋縣令晁達吉撫之相繼創立
明洪武初知縣劉順重修

皇清雍正元年教諭王文濬倡修殿廡邑人彭世珍捐
修石櫺星門

華容縣儒學在縣北舊在縣治南宋嘉定間建明洪
武四年教諭楊貫道遷今所成化間知縣許傑萬歷
間知縣田大年相繼重修

常德府

常德府儒學在府治西南宋咸淳八年郡守湖北常
平使龔日昇鼎建元延祐六年常德路達嚕噶齊哈
尚改建明洪武七年指揮孫德修葺嘉靖六年知府
方任闢地廣之十六年明倫堂圯知府陸邨重修懷
宗五年署府事推官陳之龍十三年知府潘士彥先
後加修尋燬

皇清順治十六年知府王來慶鼎建康熙六年知府胡
向華增修殿堂祠廡煥然俱新

武陵縣儒學在府城西北隅宋紹熙二年知縣林夢
英建嘉定十三年知縣戴重熙繼修元至正四年縣
丞呼圖克哈雅再修後燬明洪武間知縣張子源鼎新
景泰初知府蔡壽知縣張海以舊規狹陋改建明季
燬

皇清康熙五年教諭閔才建啟聖靈聰二祠八年知縣
黎上材建大殿知府胡向華重修

桃源縣儒學在縣城南宋慶厯間建元天祐六年學

錄張燾達嚕噶齊圖嚕知縣杜獻重修尊燬明洪武
六年知縣徐天驥修永樂間圯宣德三年署縣事縣
丞徐祥建天順五年巡道沈慶以學基狹隘市地擴
之弘治十四年巡撫閻仲宇復闢地加廣知縣李文
顯繕緝明季燬

皇清順治六年紳士捐修未竟康熙三年知縣陳洪範
九年知縣孟金鉉二十四年知縣汪虬次第落成

龍陽縣儒學在縣城東宋元祐間建大成殿元至正

間者儒吳權高增建尊燬明洪武初知縣段旻重建
復燬正統六年知縣李昂改建天順六年知縣李泰
重修萬厯十六年教諭范蘭闢地環衛學宮十七年
知縣吳良堅復新之後圯

皇清康熙七年知府胡向華知縣張若械紳士彭之鳳
唐門鳳等捐修未竣知縣張允先訓導田夢張繼成
之

沅江縣儒學在縣城東明洪武二年知縣吳文改建

萬曆三十八年知縣霍梓鼎新東南向明季燬

皇清康熙三年知縣成明瑞重修

辰州府

辰州府儒學在府治東舊在府治東南明洪武初建
景泰中知府王炬成化中知府易貴重修

皇清康熙十九年知府劉應中即辰州衛署舊基改建
今學殿廡堂祠悉如制宏敞可觀 附乾州儒學康
熙五十四年以瀘溪學訓導移攝學事雍正七年督

學習窩同知沈元曾捐建學宮 鳳凰營儒學康熙

四十二年以麻陽學訓導移攝學事四十九年巡撫
趙申喬守道孫調鼎捐建學宮其移攝訓導俱部給
關防各進苗生八名多冒籍考取雍正六年督學習
窩

題請將已進冒籍諸生改回原籍嗣後確查實係苗
童方准入試

沅陵縣儒學在縣治東北洪武初建

皇清康熙七年知縣李昌齡修二十一年知縣傅以新
重建二十三年教諭向兆麟四十年訓導祝伊齡四
十三年知縣郎廷璉先後增修

瀘溪縣儒學在縣治東元至大間縣尹王克柔建明
洪武初縣丞王守約嘉靖中知府吳思忠增建隆慶
間洪水衝圯知縣王京重建萬厯間知縣梅一都修
皇清順治十五年知縣湯國祿重建明倫堂及尊經閣
後溪縣儒學在縣治東南宋寶祐初主簿景化鵬建

明景泰間知縣杭宗道重建

皇清康熙三十一年知縣薛牧改建雍正七年知縣陳
虞修並建明倫堂

淑浦縣儒學在縣治東明嘉靖三十年建萬厯三十
三年知縣苗霖修

皇清雍正三年知縣吳大煒重修

沅州儒學在州治西北隅舊在城東南隅宋大觀中
建明嘉靖間遷州治左萬厯間知州于瑞臨遷城外

沅水驛後署州事推官侯加地仍遷州左

皇清康熙二年巡撫周召南重建四十一年知州包太隆遷今所

黔陽縣儒學在縣城西門外舊鄰縣治宋元豐中建明嘉靖間署縣事沅州判官王璇遷於縣東龍標山皇清康熙三年知縣張扶翼重建四十九年知縣劉訥因地勢偏隘遷建今所五十五年知縣武宏登重修麻陽縣儒學在城西南隅宋慶元中建元時遷於城

西

皇清康熙三年知縣陳五典復建今址十九年知縣黃志璋重建雍正三年知縣丁育果六年知縣趙宏儀增葺

永順府

永順府儒學在府城內西北隅

皇清雍正七年立

永順縣儒學在縣署西

皇清雍正七年立

龍山縣儒學在縣城西南

皇清雍正七年立

保靖縣儒學在縣城西南

皇清雍正七年立

桑植縣儒學在縣城西南

皇清雍正七年立

直隸澧州

澧州儒學在州城南創自宋代元時燬明洪武初知州史希賢重建

皇清康熙元年學正龔芳重修二十二年知州朱士華學正孟安齊訓導胡時敏重修

安鄉縣儒學在縣治南舊在縣治東宋慶元中知縣劉愚改建今地明洪武初知縣吳中重建後屢加修葺

石門縣儒學在西門外舊在縣治東明洪武初建弘

治中遷今所後屢遷建

皇清康熙四十七年知縣許渚即明弘治中舊址重建
慈利縣儒學在縣治右明嘉靖中改建澧陽山之麓
後復遷今址

皇清順治九年知縣張超載修

安福縣儒學方隅侯續載

直隸郴州

郴州儒學在州城東宋乾道四年知州薛彥博遷於

城西咸淳七年知軍事劉坦修元至正甲辰御史疇
埜重修元季燬明洪武二年知府王恪即故址創建
成化乙巳知州周鑑修萬厯間知州胡漢重修後圯
皇清康熙二十二年知州陳邦器改遷州治之西四十
九年知州范廷謀復舊

永興縣儒學在縣城西北隅宋紹定間知縣趙汝柄
建明成化間知縣馬綸萬厯間知州胡漢知縣范嘉
桂先後加修

皇清順治丙申知縣閔之麟重新復圮康熙五十八年
知州范廷謀鼎建

宜章縣儒學在縣治東自宋迄明遷改不一

皇清順治十二年知縣張思正遷於縣治東為今學宮
康熙二十四年知縣鹿廷瑛教諭錢竒才訓導劉帶
蕙合修

興寧縣儒學在縣城北宋嘉定間知縣趙崇尹建元
季燬明洪武初知縣杜堅復建隆慶間燬知縣黃志

尹喻忠化先後增修萬厯間知縣方澄澈增闢舊址
後圯

皇清順治十二年知縣高燠鼎建

桂陽縣儒學在縣城東宋嘉定中知縣周思誠建端
平間知縣彭九萬遷於縣南淳熙間攝令周應隆遷
城東濠外元季燬明洪武間知縣李原創建於新城
內為今學宮隆慶壬申知縣段雲鴻重修後燬

皇清康熙七年知縣徐之凱九年知縣盛民譽二十一

年知縣徐圯相繼成之

桂東縣儒學在縣治東明洪武初知縣胡視遠建正
統間知縣范忠嘉靖間知縣周鳳鳴隆慶間知縣王
敬賓先後增葺後圯

皇清順治十年知縣張希召修康熙五十三年知縣伊
予先加修

直隸靖州

靖州儒學在州治左舊在大南門外

皇清康熙九年知州董安國改建東門內十一年知州周振圖復建南門外二十八年知州祝鍾賢遷今址五十九年知州高鐸重修

會同縣儒學在縣治東明洪武三年建成化八年知縣劉永改葺嘉靖十四年燬知縣蕭標重建天啓甲子知縣陳一葵遷治西

皇清康熙二年知縣何林復建今所

通道縣儒學在縣治左明萬厯二年知縣陳士光建

皇清康熙二十年知縣殷道正修葺

綏寧縣儒學在縣治南

皇清康熙四年知縣楊九鼎改建

貢院書院附

長沙府

貢院在府城內東北撫院署之左雍正二年奉

旨舉行湖廣湖南鄉試分置貢院於長沙解額分湖北
之半共中式舉人四十九名副榜九名其五經五

名南北輪分中式武鄉試解額分中二十五名雍正六年以靖州之天柱縣及五開銅鼓二衛改隸貴州奉

旨以湖南榜舉人分二名入貴州實中式舉人四十七名武舉二十三名湖湘奧壤衡霍靈區扶輿清淑之氣鬱積磅礴復遭逢

聖世文教覃洽拔茅彙征多士競奮而楚省三歲賓興湖南與解額者常至寥寥實緣重湖之險甲於寰

中秋水時至擬於望洋愛身過於愛名大半皆裹
足不前劉蛻謂破天荒良有以也

皇上聰明文思

特詔分闈發於

宸斷丕煥離明鯨浪不驚鹿鳴式燕遂家置詩書人懷
鉛槧下至苗犛子弟爭趨向學庠序盈門莘莘俎
豆實人文極盛之時萬世太平之象也

嶽麓書院在府城外相江西嶽麓山下宋開寶九年

潭州守朱洞建實彭城劉整倡之咸平四年詔賜國
子監經籍與嵩陽睢陽白鹿為天下四大書院從知
州李允則之請也祥符八年以周式為山長紹興間
燬於兵乾道元年湖南安撫劉珙重建以張栻主教
事三年晦菴朱子如長沙講學書院中手書忠孝廉
節四字淳熙十五年直徽猷閣潘疇繼修紹興五年
朱子為湖南安撫牒委興學四方景從者至幾千人
元季燬明洪武間知府錢澍通判陳綱復建

皇清康熙三年巡撫周召南二十三年巡撫丁思孔重修二十五年

賜學達性天扁額朱子嶽麓興學牒勘本州州學之外復置嶽麓書院本為有志之士不遠千里求師取友至於是邦者無所棲泊以為優游肄業之地故前帥樞密忠肅劉公特因舊基復創新館延請故左司侍講張公先生往來其間使四方來學之士得以傳道授業解惑焉此意甚遠非世俗常見所到也而比年

以來師道凌夷講論廢息士風不振議者惜之當叨
冒假守蒙被訓詞深以講學教人之務為寄顧庸庸
鄙勿克奉成到官兩月又因簿書未能一往謁殿升
堂延見諸生詣考所合罷行事件庶革流弊以還舊
規除已請到醴陵黎君貢生充講書執事與學錄鄭
貢士同行措置外今議別置額外十員以處四方遊
學之士庶幾有以上廣聖朝教育人才之意凡使為
學者知所當務不專在於區區課試之間實非小補

牒教授及帖書院照會施行張棻陳傳良元吳澄俱
有記

書樓在書院後康熙二十五年

頒日講經史於嶽麓書院巡撫丁思孔檄長沙府同知
趙寧作樓藏書

城南書院在妙高峯之陽宋張栻家潭時建此為講
學地城南書院四字相傳為栻父浚手書

東岡書院在長沙縣東元中書左丞相許有壬父號

東岡嘗讀書於此因賜額

喬江書院在長沙縣喬口鎮舊有三賢堂祠屈原賈誼杜甫元元統間邑人黃澹設義學於此因賜額

惜陰書院在善化縣靈觀渡左舊為陶公祠明嘉靖四年知縣李延爵創為惜陰書院李崇為記

湘西書院在嶽麓山下宋劉輔之建後朱子重建宋史尹穀傳潭士以居學肄業為重州學生月試積分高等升湘西嶽麓書院生又積分高等升嶽麓精舍

生潭人號為三學生

碧泉書院在湘潭縣西七十里宋胡安國建其子宏與張栻講學於此

連溪書院在湘鄉縣東南連水濱宋嘉定間真德秀帥潭命知縣徐質夫立

東萊書院在醴陵縣東三十里宋呂祖謙講學於此
元宋渤有記

濩洲書院在益陽縣南濩洲上元邑人劉履泰講學

於此詔授渡洲書院山長

文靖書院在瀏陽縣南宋楊時宰瀏與邑士講學於城南後人因建書院以其謚名之

雲峯書院在寧鄉縣東宋胡宏建

雲崖書院在茶陵州雲陽山下明王廷爵建董玘有記
義學各州縣並置

衡州府

石鼓書院在府城北石鼓山舊為尊真觀唐元和間

士人李寬結廬讀書其上刺史呂溫嘗訪之有題尋
真觀李秀才書院詩宋至道三年郡人李士真援寬
故事請即故址創書院以居衡之學者景祐二年劉
沆守衡請於朝賜額曰石鼓書院淳熙中部使潘疇
提刑宋若水先後修葺而連帥林栗等咸捐金相之
朱子有記開慶己未燬刑獄使俞琰復新之提學黃
幹出公帑易田以廩生徒元季復燬明永樂間知府
史中始圖修復兵巡沈慶知府翁世資相繼營度歷

弘治初知府何珣廼克就理萬厯崇禎間重加修葺
明季復燬

皇清順治十四年巡撫袁廓宇疏請重建

南嶽書院在衡山縣西唐肅宗時李泌退隱衡山詔
賜道士服為治室廬於烟霞峯側名曰端居室多藏
書故韓愈詩云鄴侯家多書架插三萬軸自宋元來
掌教有官育士有田

趙抃書院宋神宗時抃以資政殿學士致仕其子岷

奉朴遍遊諸名山遂于衡山下居有書院遺址明嘉靖三十六年副使程秀民重建

胡文定書院在衡山紫蓋峯下明弘治間監察御史鄭惟恒建祀宋胡安國以安國二子配李東陽有記南軒書院在衡山縣南嶽後張栻父浚三奉詔居永州栻往來省侍受學于五峯胡宏之門又與諸子同遊講學置書院于嶽山後今基存

甘泉書院在衡山紫雲峯下明嘉靖甲辰湛若水年

八十四赴武陵蔣公信之約自羅浮攜其門下士遊衡山遂築室于紫雲峯之麓與衡士講學其中數月乃去後十年甲寅年九十四復來遊衡留數日皓首童顏見者以為神仙中人

白沙書院在甘泉書院之上湛若水早承白沙之學以白沙嘗寤寐衡岳未至而卒于是構堂于書院之上以祀之

集賢書院在衡山縣南嶽集賢峯下明嘉靖間知縣

彭簪建祀唐宋名賢李鄴侯韓昌黎朱晦菴張南軒
趙清獻周濂溪曾鳳儀有記

東郭書院在衡山縣祝融峯下明鄒守益號東廓嘉
靖中講學石鼓建書院於南臺寺左著教言二十五
篇

文昌書院在衡山縣南門外明嘉靖中知縣彭簪建
萬厯間知縣鄧國材重修

觀湘書院在衡山縣東觀湘洲知縣王家賢建

杜陵書院在耒陽縣北二里即杜甫祠唐建明嘉靖辛亥知縣馬宣重建

白石書院在耒陽縣北即龐公祠嘉靖壬子知縣馬宣為邵守蔡汝楠建

芹東書院在常寧縣儒學東故名明萬厯四年知縣陶敬圖清舊址重建更名集賢

桃花書院在常寧縣

清溪書院在安仁縣東南寶塢寺之左宋嘉定間縣

令王槐建

潔愛書院在安仁縣北

臺山書院在鄱縣西二十里山高二十餘仞上平曠如臺宋嘉定中邑人尹沂讀書講學其中今基存石林書院在桂陽州西三里芙蓉峯下宋進士黃照隣及子植讀書處淳熙五年建久廢

蒙泉書院在桂陽州南城隍廟後明嘉靖五年知州戴錄建有泉甘冽不竭故名

子龍書院在桂陽州東鹿峯下因趙雲駐此故名久廢

南薰書院在臨武縣治南三里宋延祐間邑人陳騾溪建久廢

義學各州縣並置

永州府

宗濂書院在府儒學後明知府黃翰建林士標萬元吉魏紹芳俱重修

東丘書院在府城內太平寺旁漢丞相蔣琬故宅

浯溪書院在祁陽縣浯溪元至元中零陵丞曾圭建
中為大成殿左為祠以祀唐元結顏真卿蘇天爵有
記

清溪書院在東安縣治西

濂溪書院在道州儒學西宋理宗賜御書道州濂溪
書院六大字扁額刻於石並刻守臣楊允恭謝表二
通書院後為周子祠堂

皇清康熙二十五年頒

書學達性天扁額

會濂書院在寧遠縣舊學基今圯

濂溪書院在永明縣西

義學各州縣並置

寶慶府

東山書院在府城東明嘉靖中建祀周惇頤以張九成配享

愛蓮書院在府倉場宋周惇頤觀蓮處

諫議書院在武岡州紫陽山宋諫議周儀讀書處今

石室尚存

義學各州縣並置

岳州府

陽坪書院在平江縣鳳樓鄉宋邑人吳雄從朱子遊
建書院四十九間講學今址猶存

龍峯書院在華容縣圓覺寺旁黎淳劉大夏讀書處

兩湖書院在華容縣御史蕭一中讀書處

義學各縣並置

常德府

沅陽書院在武陵縣東北元丁易東建石壇精舍教授生徒資以廩費事聞賜額沅陽書院授以山長

桃溪書院在桃源縣南三十里

漳江書院在桃源縣北十里

龍津書院在龍陽縣西南七十里梅溪畔宋周麟之

祖周德元建有博文篤行懷忠守信四齋袁申儒有
龍津書院記

義學各縣並置

辰州府

崇正書院在府城內明正德間知府戴敏建中為文
會堂後為六賢祠祀周濂溪程明道伊川張橫渠朱
晦菴張南軒諸賢後又為寶經堂

虎谿書院在虎谿山有修道堂明王守仁謫龍場召

歸過辰州留虎谿上久之乃去後三十年其門人徐
汝礪為郡倅即虎谿之後為精舍作堂其中名以修
道

東洲書院在瀘溪縣武口洲上宋紹興中王廷珪被
謫寓居瀘溪士多從之邑令為建書院

文清書院在沅州明薛瑄以御史監銀場至沅與諸
生講學舊立書院在明山後遷偏沅撫署右

皇清康熙二十五年勅修

欽定四庫全書

治原通志
卷二十三

義學各州縣並置

永順府

義學在永順縣植保靖三縣界

直隸澧州

車渚書院在澧州東南新洲市元時碑記猶存

溪東書院在澧州城東白沙洲宋范仲淹嘗遊此後
人慕之作書院祀焉

延光書院在澧州城東津市順治初知州湯調鼎建

康熙五十年州人重建

義學各縣並置

直隸郴州

育才書院在宜章縣西

文昌書院在興寧縣東

觀瀾書院在興寧縣西北宋曹靖建

蓮溪書院在桂陽縣西有愛蓮予樂兩亭後即亭為
祠祀周惇頤明嘉靖己酉知縣徐兆先復立講堂學

舍

義學各縣並置

直隸靖州

紫陽書院在州治左明知州黃鎮建祀紫陽朱子


鶴山書院在州治北宋魏了翁講學處

興文書院在州治左知州梁浩然建

武功書院在州治南明參將黃燾建祀有武功於靖

者指揮張應奎重修

義學各州縣並置



湖廣通志卷二十三